

Teks Ucapan Perasmian MSR
Prof Madya Dr Muhammad Nasri bin Md Hussain,
Timbalan Naib Canselor Hal Ehwal Akademik & Antarabangsa
Menjalankan tugas Naib Canselor, UniSHAMS

**SEMPENA MAJLIS PERASMIAN PENUTUPAN MINGGU SILATURAHIM (MSR)
FEBRUARI 2024**

SALUTASI

Yang dikasihi Saudara Pengerusi Majlis;

Yang Berusaha,

1. Dr. Rohani binti Desa, Timbalan Naib Canselor Hal Ehwal Pelajar dan Alumni, UniSHAMS
2. Prof Dr Ahmad Rozelan bin Yunus, Pengarah Pusat Hubungan dan Kolaborasi Antarabangsa, serta menjalankan tugas Timbalan naib canselor kelestarian institusi dan jaringan industri
3. Tuan Haji Mohd Fahmi Bin Sheikh Omar, Pendaftar UniSHAMS
4. Puan Hajjah Molya Binti Mohd Annuar, Bendahari UniSHAMS
5. En Mohd Marwan Bin Mohd Salleh, Pengarah Pusat Hal Ehwal Pelajar
6. Dekan-dekan Kulliyah / Pengarah-pengarah Pusat Pengajian / Pengarah-pengarah Pusat Pentadbiran
7. Ketua-ketua unit Pusat Hal Ehwal Pelajar

Yang Dikasihi

9. Saudara Muhammad Hazim bin Che Kasim, Presiden Majlis Perwakilan Mahasiswa UniSHAMS,
10. Saudara Muhammad Bin Mohd Rejab, Pengarah MSR sesi Februari 2024
11. Barisan Kepimpinan Majlis Perwakilan Mahasiswa (MPM) UniSHAMS dan AJK MSR.
12. Para pelajar baharu UniSHAMS Sesi Februari 2024.

Assalamualaikum w.b.t dan salam sejahtera.

KATA PEMBUKA

1. Alhamdulillah, marilah bersama-sama merafakkan setinggi-tinggi kesyukuran ke hadrat Allah SWT kerana dengan limpah rahmat dan izin-NYA, maka dapat bertemu dan berkenalan mesra dalam Majlis PERASMIAN PENUTUPAN MINGGU SILATURAHIM (MSR) SESI Februari 2024 pada hari yang bahagia ini.

2. Pada kesempatan ini juga, saya ingin mengucapkan selamat datang kepada hampir 180 orang pelajar baru UniSHAMS yang berada dalam dewan yang indah ini dan setinggi-tinggi tahniah kerana saudara dan saudari sekalian terpilih untuk mendaftar dan menyambung pengajian di UniSHAMS kerana di sinilah saudara dan saudari akan dilatih, dibimbing dan dibentuk untuk menjadi graduan profesional selaras dengan misi UniSHAMS iaitu melahirkan ilmuan yang holistik dan profesional berakhlak mulia

3. Mahasiswa & Mahasiswi sekalian, Saban tahun Minggu Silaturrahim atau ringkasnya MSR dianjurkan oleh UniSHAMS untuk meraikan para pelajar baru yang telah terpilih untuk melanjutkan pengajian di universiti ini. Begitulah juga halnya di universiti universiti lain di Malaysia dan malah di dunia, Program seperti MSR ini turut dikelolakan, mungkin dengan pelbagai nama atau jenama seperti Minggu Haluan Siswa, Minggu Suai Kenal atau Minggu Orientasi. Cabaran yang akan dihadapi bagi sesi pembelajaran pada abad ini adalah capaian telekomunikasi yang terhad di sesetengah tempat selain disiplin sendiri yang perlu diterapkan dalam diri setiap pelajar disebabkan perlu mengatur masa dan tanggungjawab masing-masing bagi mengharungi perjalanan pengajian di UniSHAMS. Saya percaya dan yakin barisan pengurusan dan pensyarah yang berpengalaman di UniSHAMS insyaAllah akan sentiasa memberikan sepenuh tenaga bagi mentadbir dan juga menyalurkan ilmu pengetahuan kepada para pelajar sekalian secara kreatif dan inovatif bertepatan dengan moto UniSHAMS "Melestarikan Ilmu Melalui Kebijaksanaan".

4. Untuk pengetahuan para pelajar sekalian, UniSHAMS telah membuat pelbagai penambahbaikan bagi memberikan akses yang terbaik kepada setiap pelajarinya, antara yang terkini adalah memastikan capaian portal pelajar berjalan lancar sehingga mendapat ucapan tahniah dari Majlis Perwakilan Mahasiswa yang tidak jemu menyuarakan pandangan dan cadangan agar kebajikan mahasiswa terbelas, Alhamdulillah.

SIGNIFIKAN MINGGU SILATURRAHIM

5. Untuk sesi Akademik Februari 2024, hampir 180 orang pelajar telah mendaftar ketika ini bermula pada, 18 Februari 2024 yang lalu. Justeru, sepanjang MSR Februari 2024 yang telah bermula pada 18 Februari 2024 dan akan berakhir pada hari ini iaitu 21 Februari 2024. Sepanjang MSR ini, para pelajar baru didedahkan dengan pelbagai taklimat dan pengisian yang memberi peluang untuk mengenali UniSHAMS dengan lebih dekat seperti dapat mengetahui fungsi jabatan, pusat dan bahagian-bahagian yang bertanggungjawab di UniSHAMS dan sebagainya.

HARAPAN KEPADA PELAJAR BARU

Barisan Pengurusan UniSHAMS yang saya kasihi sekalian,

6. Para pelajar baru yang berada di depan kita pada hari ini telah melafazkan ikrar mereka sebentar tadi dan dengan itu rasmilah mereka semua menjadi pelajar UniSHAMS. Ikrar yang telah mereka lafazkan itu mempunyai makna dan pengertian yang amat besar. Para pelajar baru sekalian mestilah bersedia dengan rela untuk menerima budaya dan iklim pembelajaran di universiti ini serta menjunjung tinggi Perlembagaan dan nilai-nilai teras UniSHAMS.

7. UniSHAMS mempunyai visi yang jelas untuk menjadi Universiti Islam bertaraf Global dengan berintegrasikan ilmu dan kebijaksanaan. Oleh itu, ayuh para pelajar baru yang ada di hadapan kita semua ini, marilah kita bersama mengubah cara hidup yang lebih berilmu dan mempraktikan ilmu yang dipelajari selaras dengan Visi dan Misi universiti. Turut serta juga barisan pengurusan tertinggi, pegawai-pegawai UniSHAMS bagi memastikan keselarasan dalam setiap perkara yang kita lakukan atau dalam erti kata lain ada kesatuan fikiran dan kesatuan tindakan.

PENUTUP PERASMIAN

8. Sebelum mengakhiri ucapan pada hari ini, marilah kita sama-sama berdoa agar MSR ini mampu memberikan input serta semangat kepada para pelajar baru dan semoga Allah Taala terus melimpahkan perlindungan dan peliharaan-Nya kepada kita semua untuk terus komited berbakti untuk agama, bangsa dan tanah air yang tercinta. Tidak dilupakan juga pada Jawatankuasa Pelaksana Minggu Silaturrahim (MSR) Sesi Februari 2024 yang diketuai oleh saudara Muhammad bin Mohd Rejab, semoga anakanda semua terus istiqamah dalam menyumbang bakti kepada UniSHAMS dan seterusnya bersama masyarakat apabila tamat pengajian nanti.

9. Tanpa membuang masa lagi, dengan lafaz Bismillahirrahmanirrohim, saya merasmikan Majlis Penutupan Minggu Silaturrahim Sesi Februari 2024. Dengan kata-kata itu, saya sudahi ucapan saya dengan lafaz yang mulia, Wabillahi taufiq wal hidayah, assalamualaikum warah matullahi wabarakatuh. Sekian, terima kasih.